

永樂大典

卷一萬九千七百

八十一

永樂大典

卷一九七八一

永樂大典卷之一萬九千七百八十一 一屋

諸司沿革四

利民局

濶源志齊祐二年陸叔初置每歲以五月至六月令撥官錢下兩廂聽經紀細民結甲互保量其藝業等第開借半

年始收其本歲以為常

裕民局

宋史列傳徽宗朝徐處仁為侍讀上言昔周家軍制國用於歲之杪宜會朝廷一歲財用

量入為出節浮費罷橫斂百姓既足軍儲必豐上善詔置裕民局討論振兵裕民之法時為蔡京所言乃罷宋編年備要徽宗重和元年十二月置裕民局以延康殿學士徐處仁言料斂折變支用坐倉之為害民故也仍設五事命蔡京提舉處仁為詳定官宋會要徽宗重和元年十二月十二日中書省言奉御筆就校正所置裕民局差下項官太師蔡京充提舉官徐處仁充詳定官參詳官三員先次差朝散郎韓昭檢討官五員先次差承議郎通判永興軍崔陟檢閱文字官二員管勾諸司馬承受就校正所已差官先是延康殿學士醴泉觀使徐處仁對便殿上訪以天下事處仁

永樂大典卷之一萬九千七百八十一

一

對天下大弊在兵與民今水旱之餘賦役繁重公私凋弊兵民皆困及茲尚可為過是將有不勝圖者上驚思久之曰非卿不聞此言明日除侍讀校正內經詳定官遣讀罷上特留與前語處仁奏天下猶一家方其子孫衆多則當務節儉為長久今皇子皇女勝衣占祥歲月相繼昔文王百斯男唐有百孫院雖未及之不可不慮上曰然已幾類是矣可若何乃言周以冢宰制國用於歲之杪宜會朝廷一歲財用之數量入以為出節浮費罷橫斂百姓既足軍儲必豐振兵裕民無大於此上稱善既退降手詔略曰國有定法吏猶廢弛况無法者卿可以聞處仁具奏其事有詔置局討論振兵裕民之法號裕民局設五庫以總一歲財用出納而用事者不悅矣十四日延康殿學士醴泉觀使兼侍讀徐處仁奏臣准御筆立法下項臣看詳敕令意義該括詳備然議法之初本局合有條具畫一約束事件不少兼恐諸路官吏未遽通曉欲乞行下自重和二年秋料為頭施行仍令監司守貳先次看詳敕令二法并裕民對子事理如有疑惑並許申明及有所見利害亦許實封奏聞送裕民局具進呈庶幾下情通達法成令具惠施無窮詔依奏諸折變支移和買者前一月計本路豐歉物價貴賤所出多寡各隨貴賤多寡之實貴則量減納錢或物賤則納本物若

先賤後貴。先貴後賤。聽改諸折變支移和買。不計豐歉。賁賤多寡者。杖一百。官吏勒停。永不敘。若以貴為賤。以賤為貴。及多寡豐歉不實者。加一等。官吏編管千里。並不以去官罷役赦降原減。十九日。延康殿學士徐處仁奏。臣今續具到裕民局參詳。檢討官職位姓名下項。參詳官一員。乞差中奉大夫直祕閣新知梓州孫漸。見在京。檢討官二員。一員。乞差奉議郎祕書省校書郎艾歲。一員。乞差奉議郎新授襲慶府儀曹蔡瀨。見在應天府。從之。宣和元年正月六日御筆。徐處仁差知揚州。先是上命處仁見太師蔡京。京欲優行夾錫錢於中州。處仁答曰。夾錫錢第可行於關陝耳。又問朝臣有欲動搖吾所立法者。何以制之。答曰。崇寧立法至今垂二十年。流弊多矣。如學校禮樂之類。固當更張裁損。隨時自改。則人無間言。京不樂。於是言者攻之。乃罷局。**慈幼局**。宋史理宗紀淳祐九年。出知揚州。二十八日罷裕民局。

安府創慈幼局。收養道路遺棄初生嬰兒。仍置藥局療貧民疾病。黃震傳。震知撫州。初常平有慈幼局。為貧而棄子者設。久而名存實亡。震謂收哺於既棄之後。不若先其未棄保全之。乃損益舊法。凡當燒而貧者。許里胥請于官贖之。棄者許人收養。官出粟給所收家。成活者眾焉。山樵雜錄。

永樂大典卷萬九千五百十一

宋京畿各郡門有慈幼局。蓋以貧家子多。輒厭而不育。乃許其抱至局。書生年月日時。局設乳媪鞠育之。他人家或無子女。許來局中取去。為後。故遇歲侵。貧家子女多入慈幼局。是以道無拋棄之子女。若冬遇積雨雪。亦有賜錢例。雖小惠。然無甚貧者。此宋之所以厚養於民。而惠澤之周也。建康志。咸淳元年正月。馬公光祖鈞判參政真公創慈幼局。當使將漕時。嘗增月給。而本府前此。乃欠舉行。街市間有遺棄小兒。合立規模收養。仍委官提督。今具條式如後。一本府城內外諸廂貧民遺棄小兒。或願收養。取具四鄰保明狀。申提督官廳。差人審實。出給曆頭。照實祐五年大使已行例。先支抱養錢十八界四貫。米五斗。月支十八界二貫。米三斗。至七歲住。先一遺棄之時。恐未便有人收養。遂先雇乳妪四名。每名月支十八界六貫。米五斗。一嬰孩寄養在乳妪家。為一無人收抱。亦合區處。今自一歲後。照抱養人例。月支十八界兩貫。米三斗。就令妪家權行撫育。如有願就乳妪之家接續抱養者。聽月給照支。一每月一中民間抱養數。併寄養乳妪家數。申提督官廳。支請錢米。仍仰各坊抱當官點名。以防偽冒。其有病恙者。仰不移時。經提督官廳給藥。或有事故。即時具中銷籍。所有本府錢米。作四季成料撥付所委官廳收管。月申總數銷籍。錢一料以十八界五

仁義之端若不相為用者及觀伊尹思匹夫匹婦有不被堯舜之澤若已推而內之溝中則知輔吾惻隱之心者羞惡之心也。士君子位天地育萬物為己任民之仁壽鄙夫執非己責以不忍人之心行不忍人之政苟可利民寧後自愛蓋不若是則天下之窮民顛連無告亦耻不得為仁人之歸矧敢塞其源固其澤乎。仁義之心人皆有之吾見是舉也有推行無沮撓有封殖無廢易罔俾邦人異時追仇曰仁心仁政致某而斬則羞惡不泯而惻隱常存其惠利顧不愈久愈博哉願以是記來者俾勿壞庶幾昔人盂水抱兒之意云淳祐十一年七月朔進士盧康時記儒林郎寶慶府軍事判官于大義篆額宣教郎知寶慶府邵陽縣主管勸農營田公事兼弓手寨兵軍正黃慈書丹承議郎通判寶慶軍府兼管內勸農營田事兼權府事桂諤立石江陰志慈幼局記。江陰本膏沃而遠鄉曠土有不耕者民不足也。人類常生息而窮糶寡戶有不育者力不足也。不足而坐視之彼易牧之心者然歟。余咸淳乙丑秋至郡鵬所而雪率屬謝群祀詣龍祠出澄江門歸聞戶曹趙君汝訥言出門外有補茅綴葦而廬者聞無炊煙嬰孩啼戶飢寒之色不勝問之則凍殍所餘裁此耳。活之不及為廢食轉枕累日念昔先公尹輩下初慈幼收孤棄凡十有二年男女襁褓藉存

養者不知其幾守吳門亦如之。後皆相仍至今。滕雖小宜遵用故事。過度地視官舍可改者得醋庫庫舊有推額歲取糟酒務斤數千征民糠數以釀官費而寡利民擾而苦禁遂弛推醋以庫為慈幼局公未有以給輟俸先之置乳媪日子奉食。月予初漸費男女齒二以上十以下皆養養及十二而能出就衣食者聽寒暑于衣坐卧什器帳被具戶曹庀之郡博士提其要咸定為例起於丑之冬成於寅之春遺棄踵收抱哺以時昔之天窮傷驚者大畧減矣雖然捐俸私無以繼也。剗廩公無以克也則來者有憚而已爾。利城鎮故置官罷省久餘職田畝百三十有奇地畝五十有奇民昧吏縮賦釐而復之刻町步歲入與支之數于石且為籍隸之局業定而利專費給而惠遠蓋於是乎在。按周禮大司徒以保息六養萬民獨首慈幼民產子三人與之母二人與之餼昔人措意於幼者若此其密也。渠非保之而使之蕃息者無取於是歟。當時井田均無甚富甚貧之貽其望於上者猶狹也。今貧富之相絕者不翅十倍然矣奈何坐視其不足於耕不足於育而弗之救乎。凡余之所圖者亦庶幾易牧之恩而已若夫人情之不足者無窮余顧以不足之才智應之而欲滿其望則寧無想哉。因鏡石泮宮非特以局事誌他日尚惟縫掖議然否也。咸淳二年七月記寶祐滿

永樂大典

卷一九七八一

須志慈幼句記 昔者聖人茂對時育萬物一草之茁萋萋然一木之萌夭
天然。時履暴母殺孩蟲。魚尾不盈尺不中殺不鬻於市。夫於庶物也如此
則其於吾民也可知其仁矣。於其子與人之子也可知其親矣。伊川先生
少時取食猶之魚。大者如指。細者如箸。養盆池中。作文記之曰。生汝誠吾心
汝得生已多。萬類天地中。吾心將奈何。曾南豐之記孫齊殺虎。虎曰。人固
擇於禽獸。夫狄禽獸。夫伏於其配合孕育。知不相禍。相禍則其類絕也。久矣
如齊何議焉。余思聖人之政。又觀二書。未嘗不三復而嘆。山陰陸景思。歷為
大農簿。以才選。分符徒瀟。須于節。滑淮南。以書走餘抗。抵余於野寺中。曰。吾
守邊三秦。紅矣。它不足為公道。願嘗有所怵惕。創慈幼句。節約滑用。得錢
一十五萬。用抵當法。會其息。給生子者。為條目。使經久。郡日有助。率五十
緡。句成未幾。活嬰兒已數十百。蓋推行先朝胎養令。亦以聞諸朝矣。欲後人
之增培之也。直為我記。自仁義之說微。而世之論治者。以兵與財為急。况
乎戎馬之郊。雲霜之外。馳驅四牡。角聲滿天。撐左支右。日懼不給。旅單而
室罄。戈朽而鼓寒。踈以為告馬宜也。若夫野清人散。火腥鬼哭。壯夫健婦
化為塵壤。千古寃新亦可也。居養雖舊典。視兵與財之方急。不幾迂乎。曰
不然。方千里者九。而取七十馬。或取百馬。其兵財多寡。亦可得而計矣。然

永樂大典卷一九七八一

五

而卒無敵於天下。豈有他術哉。湯為一童子。文王矜幼無父者。發政必先
馬。如此而已耳。志伊呂之志者。捨是為學。彼伯者之善於富強。而蔡丘載
書必曰慈幼。孟子猶有取焉。蓋古之人甚愛赤子。每與老老並稱。故曰若
保赤子。曰乍見孺子。蒙穉必待養受之以需。飲食之道也。飲食有訟則事
制由防以永其終。聖人所以續乾坤之生德者在是。庸使其得之矣。養魚
記曰。吾知江海之大。而未得其路。此澤天下之志也。景思以文學論議。取
重當世。而其勤於民者又如此。維時艱虞。方賴其用。使深山窮谷之間。雞
豚酒醪。饑餓在鼎。而鰥寡廢疾皆有養也。余歲老也。其亦庶有望乎。寶祐
三年。九月甲寅。朝散大夫集英殿修撰。蘇州府志局在府治
撰。提舉江州太平興國宮。楊棟記。慈濟局。東南夫子巷。嘉定中

初作棺以給貧民。義濟局

武陵續志局在皇華坊之北。至元癸巳。因本府
連年水旱相仍。百姓艱食。至于鬻妻賣子。不營

一飽。賊盜公行。餓殍遍野。重以辰陽漢蠻。肅克掠鄉民。殺縣長吏。其驚散
流離。至于是郡。丐食於道路者。不可數計。郡推官河南薛公友諒。聞之。慨
然曰。生民如此。聽其無告可乎。遂建言于肅政廉訪分司曰。國以民為本。
民以食為天。民一日不食則飢。飢則荒。寇攘姦究。由此起矣。常武厄於旱澇。

幾四三年。境內之民。數米而糶。併日而食。猶不能圖。鬻妻貨子。習以成風。甚至掠人之妻。竊人之子。而貨者。禁載之法。雖嚴而終不能止。蓋不揣其本而齊其末也。苟能使清壑之民。轉而有溫飽之計。則孰願其父母妻子。離散為惡不後乎。檢照得至元新格內一款。該諸遇災傷聞食。或能不恡己物。勸率富有之家。協同周濟。困窮不致失所者。從本處官司保中上司申部呈省。欽此。奉詳官司。雖曾賑糶。止及有資之家。貧苦細民。畧不沾惠。至於發倉賑濟。必俟朝廷明降。不惟緩不及事。借使從請。止救一時之急。終非長久之策。又且湖右郡縣。地瘠民繁。貧窘之人。率多就傭富室。甘任廝役之責者。饑寒使之而然也。宜令所屬司縣。富實主戶。遇各家佃戶。闕食。隨即借貸。無令餓餓。如是鬻妻賣子。及別作非為者。事發到官。主戶一例坐罪。如此。則主戶惟恐罪及其身。必能賑救佃戶。不致鬻妻賣子矣。鄉村豪富之家。果能協同周濟。困窮。使貧民不致失所者。亦仰本處官司。保中上司。定奪。亦勸善之一端。是一舉而兩得也。憲司嘉公所言。移牒本路。行移合屬。依上勸率。果有似此清民富實之家。所借米糧。若及百石以上者。保勘是實。開具姓名。就中上司。別加優禮。施行。本路移准憲司。公牒就徽薛公。勸分賑濟。以杜其源。人賴以活。武陵桃源二邑。為村百二十有

永樂大典卷萬李三首

二。勸主戶七百五十有七。賑貸至百石以上者。五十七戶。百石以下者。為戶七百。通為穀二萬四千二十四石有奇。而所活飢民。為口凡三萬三千八十焉。薛公不憚勞瘁。於深山窮谷間。冒雨雪。涉險阻。始終六閱月。力就乃事。聞之省臺。皆嘉公所為。公又乞行之鄰郡。而漣之賑貸。亦得穀一萬二千一百八十九石有奇。而所活飢民。為口三萬六千九百九十。辰陽亦得穀九百七十有奇。而所活為口四千六百五十有六。廉訪迂軒趙公。世延請賑濟一事。固活飢民。若後行之者。委非其人。反為民擾。當為經久計。查後龍陽義倉例。實無窮之惠。薛公聞之。欣然遂勸率好事者。隨所出穀。蓄之。明置簿籍。以庶平者主之。仍請廉訪分司。巡行日。照視。以革侵漁。及多寡予率之弊。始置是倉。石潭丁公。易東。丁坡趙公。時嶠。首倡各出穀五百斛。繼而總管馬公。應翔。轉運司周知安公。衡。各出穀二百斛。運副劉公。良。出一百斛。郡士陳天錫。出三百斛。薛公又言于憲司曰。看詳義倉之設。本以為民。近年以來。廢而不立。百姓稍有飢荒。莫知所措。幸蒙廉訪分司。官力主其事。卑職遵奉分司。興復龍陽縣義倉。美意。因委賑濟。問依上勸率。立到向分。似有條理。若將糶到穀價。於秋成日。又行收糶。入倉。不無生受。又恐所立向分。間有妄人不當。似前使用。未便照得本路。見依奉上司。將斷決

魯希文等項官田。丈量到水田八千六百四十二畝六分。與其付之權豪。曷若於內選擇膏腴田土三千畝。買為義倉之田。將每歲所收課利。於貧民闕食之時。一例賑濟。不取價錢。不惟為救荒良法。可以久行。又且飢寒之民。永受實惠。憲司者詳所。言誠為救荒長策。本路如奉上司。明文至日。際留膏腴田土三千畝。令本路義濟等局。照依官價。於本局糶到穀本內。出備鈔兩收買。取其本路管不違。格依准。據司迂軒書額。鐵峰張公山翁為之。記經歷韓公持厚提調。元貞二年。憲司據府治中于公亨提調。余既發明大田之詩。記澧陽義濟倉矣。古鼎經歷韓君持厚。不憚入山。授簡於余。曰。吾郡非澧陽。比西南阻山。東北濱湖。山田喜雨。湖田喜晴。雨晴若時。民僅自給。土瘠而生聚繁也。適年入夏。恒雨而湖田為魚梁。入秋恒晴。而山田作龜兆。下民何罪。上天降災。流殍載途。深以拙於易。牧自愧。癸己之歲。憲臺趙公下車。訪民疾苦。廉得其實。委推官薛友諒。詣諸郡。勸分通計二萬餘石。民畧蘇矣。公曰。此備急方。非遠敵也。吏持符入鄉。不特人勞於具饗。且有抑勒之害。甚者受賂。送私糧多少。予奪之柄。其何以堪。因行部至龍陽。見前尹毛沆。義濟倉規約。遂補其弊。而更新之。曰。此可行之天下。獨不可行之一郡乎。爰諭所屬。乘豐年。量力義助。作倉儲之款。則

計口貸貧民。一言之出。官民響應。桃源武陵二縣。已率到三千七百石有奇。而願從者未艾也。倉在前。常平提舉司之後。專委持厚。提其綱。開良官趙時瞻。前書史。盛必達。董其事。輸儒生二人。各其出納。府司不得與聞。防轉移他用也。綱正條不紊。有朱真二先生之意。實為生靈無窮之壽脉。予記澧陽矣。於吾郡。新一言乎。我將勒之金石。以詔方來。余受簡。謂經歷曰。此周家南田遺意也。前田之詩曰。我取其陳。食我農人。自古有年。夫山穰在天。有國者不能免。古安能長有年哉。上有歛散之法也。歛散之法。於商為助。周之傲亦助也。降為常平義倉矣。今義倉亦不可侵見。故望之衆多。蓋寡之家。萬家之邑。必有萬鍾之家。千家之邑。必有千鍾之家。利有所并也。萬鍾千鍾。分斗膏以入吾倉。不過溟海之涓滴耳。凶歲散之。等丘山之惠。貧人不日糶。則市價自平。市價平。則民食足。故歲雖凶。而民不飢。是凶穰在天。而長有年者在我也。若上無歛散之法。則蓄賈遊於市。利不倍不難。故雖樂歲。貧者色猶飢。况凶歲乎。是凶歲乃以相蓄賈也。有人心者。思使蓄賈操貴賤之權。細民罹死徙之厄。余故謂歛散之法。有年之道也。而趙公力行之。楊公贊成之。可謂能作天牧矣。余尤有望焉。毛令舉行於一司。二公克拓於千里。今之長民者。任之勇。後之行部者。續其仁。則永永

有年而食我之天。與復我之天。不能以分輕重。然食而無教。則禮義喪。風俗壞。雖有粟吾得而食。諸經歷歸而語爾。馬侯及爾。同僚詔其父老而誨其子弟。母背親而即疏也。母逐末而喪本也。母慕訟而敗羣也。有一於此。長禮義。壞風俗矣。得不負二公義濟之德。右鐵峯先生張山翁作。

嬰兒局

江州圖志。秘書郎袁甫出通判湖州。考常平弊源。以增積貯核隱產。增附嬰兒局。桐汭志。收養遺棄小兒法也。紹定三年。通判趙善瑛以歉歲。貧民有子。弗育。棄之道旁。呱呱而泣。終日不食。至飢而死者有之。乃捐已俸五百緡。及措置到五百緡。共一千緡。創局置田。募民收養。倉使袁甫亦給常平錢五百緡。添置田產。仍月支常平米五石。以助。今具規約于後。詳見規約。詳今立于教。授廳郡侯古括潘大臨以開度改元。米收是邦。政以教先。捐資闢軍學講堂。西廡祠治平閣。清修之士。宜清容。紹興初。孝行之士李元老。親題二賢扁額。仍擇二賢後。以主祠。視事。繞三月餘。即召還。竟未果。奉安郡侯天台陳善。踵至。善契于中。下車即躬率僚屬。燕集韋布。奠禮安靈祠人。益知所趨向。淳祐江州圖志。趙善瑛置以濟民貧。不能舉子者。

茶引局

元史百官志。至元二十四年。置掌印造殿。兼行省監茶引。大使一員。攢典庫子各一。

水樂齋卷萬本首上

合鎮江志。丹陽批驗茶引局。提領一員。元董嗣果。廬山集。寄湖口茶局。藏

尚幹。鮑頰。探得洞元真。老氣摩霄岸角中。案上押批呼局吏。津頭釀酒

謝江神。天寒茶課收征倍。雲霧梅吟寄驛

頻。倚日此來聯榻語。廬山几案却無塵。

收支局

元史百官志。開除局。大使一員。司文類聚。收支局。元始置都監

一人。同。開除局。元史百官志。開除局。大使一員。司文類聚。收支局。元始置都監

職掌龍江稅課局。大使一員。副使一員。司吏攢典各一名。龍潭

稅課局。大使副使各一員。各處大使一員。南寧府志。先有商稅務在

於陸幹墟。開立。以總各墟。每季徵收稅錢。起解。

聖朝洪武八年五月。置立稅課局。發銅印一顆。以領各墟。每月主告納稅錢。起

解本縣。轉解本

府庫。分收貯。

魚湖局。邑者有二。曰常平。則民輸錢買糶者也。曰

省司。則民戶租產輸稅者也。皆佐郡用。淳祐初。制司初局。收其利。郡計自

是浸。置通判。別樸攝府事。日始自龍陽。至城下。措置綱畧。名曰上九潭。非

舊額也。長江冒網局。武昌志。局在平湖門外。編估打套局。代

永樂大典

卷一九七八一

沿革記纂淵海宋紹興三年從戶部所請三路發到市舶香藏雜物左藏東西庫推貨務交納外其編估職事乞隔委左藏庫監門官一員兼其打套職事委太府寺丞引庫監官兼八年專置打套局監官一員以右迪功郎范仲四充從戶部請也九年置編估官一員酬賞依打套官例十一年移編估打套局出左藏庫外於南倉之北置局宋會要編估局高宗紹興七年正月二十八日戶部言欲將三路發到市舶香藏雜物依舊令左藏東西庫推貨務交納外其編估職事乞隔委左藏庫監門官一員兼其打套職事乞委本府寺丞引庫監官兼從之九年六月四日詔打套局監官如任內職事別無曠闕不了事件依藥局監官賞格任滿京朝官便臣並與減二年磨勘選人備一資仍許計日推賞如三年為任之人若及二年以上並全給賞所有編估局官係左藏庫中門官兼本門已有賞格更不推賞二十一日詔編估局官一員專一編打三路市舶司香藥物貨并諸州軍起用無用贓罰衣服等自來納訖賺到本局官吏將帶行牙人前去就庫編揀等第色額差南綱牙人等同本司看估時值價錢訖供申尚書金部待下太府寺請寺丞一員覆估訖徑申金部提撥郎中廳審驗了實申金部內市舶香藥物貨等連估帳符下打套局將合打套

永樂大典卷萬九百五十二

九

名件一一交跋打套如不是打套之物符下雜賣場徑行赴左藏庫交跋赴場出賣其不堪支遣無用衣物等脩審覆訖省部供申朝廷指揮下日依此行下打套局一面交跋打套及雜賣場徑行交跋出賣施行同日詔置編估官一員請給人從酬獎並依打套官例初以左藏庫中門官兼至是以戶部言事務繁劇故有是命十一年三月八日詔將編估打套局移出左藏庫外於南倉之北置局以上中興會要宋州續會要無此門乳道會要併編估打套局孝宗隆興元年八月十七日右諫議大夫王大寶等言見議併省人吏內編估局額管手分二人難以省減打套局見管人吏二人庫經司一人編估打套局門見管人吏一人各不及分數詔依見在人且令依舊將來遇闕更不遷補撥填十月三日右承直郎監編估打套局門何俾左從政郎監雜貨務雜賣場門趙粹中奏元降指揮雜貨務雜賣場門請給人從依左藏庫監門官編估打套局門請給人從依雜貨務雜賣場監門官獨有賞典未曾陳乞亦乞依左藏庫門體例施行從之以上乾道會要淳熙三年二月十二日詔編估打套局專知官今以副尉赴都官注擬從大理正晏浚請也詳見藏字

撩造會子局

宣城

志局以城北澄江亭廢址及闕民居為之。先是朝廷以西蜀擾攘闕少會子紙料亦既即都城置局檢造數目不敷嘉熙三年省割下嚴衝撫吉徽建昌六郡分造已而又增本府日造三萬片郡侯杜範倅尹煥以本府素非產楮去處申乞寢免毋慮數十疏至謂朝廷若以方命為罪即擇有幹力者來任此責閱明年顏侯頤仲繼之復申前請不許祇抽回專官令本府自造仍減作二萬片通歲計之用楮二十八萬八千片州家不得已以十一月開局極其材力不能如數再乞免其半又不許僅更日減三千片而已異時蜀道底平責輸如故江南諸郡庶幾免夫

備邊

局

武陵續志即加納局也。建炎調荆鄂軍討沅冠監司親往督捕抽鼎州苗赴軍前輸納鼎民憚於地遠乞就郡輸苗每石加納五斗以裨官司運費及冠平運罷而加納米遂不復除淳祐三年京湖制置使孟珙自白劉子獻本府三分租米判云與其資州郡之妄用孰若助大司之供億始令提刑司檢法官李一馮置局收受名曰備邊局自此加納米盡歸制司胥徒養食日繁而民始疲於共命異時邊陲寧息復承平舊制民之望也

義椿局

寶祐潘湏志慶元二年潘使石崇昭勅置以本司錢置賃屋歲聚其入屬軍學掌之本以姻士夫之家有喪不能舉

永樂大典卷萬二千五百

十

有女不能嫁者而舉人慶錢亦在焉有規式刻于石但所入做其不能應二者之需嘉定間既別立貢士莊此局自當專為婚喪設乃後混潘寶祐三年陸歷為各項分別蓋以運司官產一百五十四畝四分五釐三毫水田一百三十八畝一分四釐陸地一十六畝三分一釐三毫規式前一二

諸司局

元史百官志諸司局用從七品印提領一負相副官二負中統三年始置總管府秩正三品達魯花赤一負

總管一負副達魯花赤一負同知一負副總管一負經歷一負知事一負提控案牘一負令史四人領兩都金銀器盒及符牌等一十四局事至元十四年置二十四年以八局改隸工部及金

茶迭兒局

元史百官志總管一負

王府止領五局一庫字色毯等事其屬有六
管府秩正三品管領諸色人匠造作等事憲宗朝置至元十六年始設總管一負二十七年置同知一負後定直府官達魯花赤一負總管一負同知一負知事一負提控案牘一負司吏四人其屬有

上都人匠局

元史百官志秩從七品達魯花赤二負副

使二負至元二十七年置雲內人匠東局提領一負副提領一負雲內人匠西局提領一負副提領一負

沙糖局

元史

百官志秩從五品。掌沙糖蜂蜜煎造及方貢菓木。至元十三年始置秩從六品。十七年置提點一員。十九年陞從五品。置達魯花赤一員。從五品提點一員。從五品。大使一員。正七品。柴炭局。析津志。元貞二年。欽奉聖旨。設依本位下。柴炭局。例鑄到本局。從七品銅印一顆。設官達魯花赤大使副使各一員。俱受勅牒。至治二年。例革。天曆二年。復立。徽政院。除受院副提領大使副使各一員。本局設官。俱受院副提。大付攢管領。廣平彰德路等處。探奏提領所。至大三年。欽奉皇太后懿旨。廣平磁州田土。元與可伏兒米那田地。如今失列。監姑根底。與者磨道。欽此。劉付內宰司。行下彰德等處。探奏提舉所。依施行。至元二年。拘收運官。本所行從七品銅印一顆。設本所官提領二員。俱受院副。地五百一十一頃三十一畝五分六釐。歲辦錢中統鈔二十四錠二十九兩五錢。糧粟麥一千九百五十八石二斗三升。管房提領所。徽政院都事。呈。禮部符。承奉中書省劉付。本部呈。徽政院。至元二年。奉准。管房提領所。比依隆祥總管府管房提領所例。鑄到正九品銅印一顆。設官。據本院。照磨所管。至正五年。撥付諸色府管領。於縣管人戶內。選保提領大使各一員。受院副。房舍一千一百二

十五間半。地土三十二頃三畝四分二釐。元史百官志。大都上都柴炭局各一。至元十二年。置秩從六品。十六年。改提舉司。陞五品。大德八年。仍為局。降正七品。置達魯花赤各一員。正七品。大都大使一員。上都大使二員。各正七品。副使各二員。正八品。直長各一人。掌葦場典史各一員。柴炭局秩從七品。提領一員。大使一員。副使一員。至元二十年。以東宮位下民一百戶。燒炭二月。軍一百人。採薪二月。供內府歲用。立局。以主其出納。設官三員。俱各受唐事院制。大德十一年。隸徽政院。藏珍。文成。供須。三庫。秩俱從五品。各設提點二員。大使二員。副使二員。分掌金銀珠玉寶貨。既匹絲綿皮毡鞍轡等物。國初唐事出納之事。未有官署印信。至元二十七年。分為三庫。各設官六員。及庫子有差。至元二十年。八剌哈赤不花納等。管領收支柴炭。元貞二年。禮部降。到從七品銅印一顆。設官四員。俱受徽政院劉付。大德一年。徽政院。咨准。御位下。柴炭局一體。換受勅牒。官四員。達魯花赤提領各一員。從七品。局使一員。并受中書省劉付。直長一員。受院副官三員。首領官典史一員。至治二年。倚門例革。至順三年。復立。禮部降。到從七品銅印一顆。設官三員。俱受院副。提領。大使。副使。攢典。管領。打捕人匠所。元係本管。打捕皮貨等戶。乙未壬子年。奪羅可

大使臣重陽所管。至元十四年奏屬皇太子位下。至元十五年啓奉令旨。奪羅牙孫子抄兒可管的打捕戶三百三戶與皇太子出氣力者。至元十六年。奉省部符文撥屬位下當差。至元二十八年抄兒牙身故。韓脫兒亦承襲管領本所官達魯花赤。提領一。相付官一。都目一。司史一。實有人戶二百四十三戶。歲辦鈔八錠四十兩皮貨。四百十五張。稅粟六百二十一石四斗三升五合。供徵局。元史。昭功萬戶府。至順二年十一月。昭功萬戶府官奉聖旨立一箇正七品供徵局衙門。設典史一員。庫子四名。本把二名。秤子二名。欵此。又至順三年六月。建都班副使等奏。新立來的供徵局裏。達魯花赤提點執事。是從四品。正五品行使的是正七品印信。有本庫切當庫子秤子本把人等。至今不曾與准謀有可伶見明。依着中興武庫例與准謀俸錢六十箇月。滿常選裏與除授呵。怎生奏呵奉聖旨那般者。欵此。中書禮部鑄給到本局從五品銅印一顆行使。至元六年十一月十四日。昭功萬戶府例革撥屬本院。至正九年九月初八日。中書省奏准添設都達魯花赤一員。本局官庫達魯花赤從五。提點同。大使從六。副使從七。首領官。庫子四。本把二。藥管人戶各刺赤酒匠二百二十八戶。房舍九十八間。

院地十畝。典製局。元史典製局秩從五品。大使副使各一員。直一分五釐。又秩從七品。大使一員。副使一員。長二員。

直長。琉璃局。元史琉璃局。大使副使各一員。中統四年置。又中統四年始置。設提領三員。至元十四年。改置大使等二員。

負。今定置大使一員。副使一員。玉局。元史瑪瑙玉局。秩從八品。直長一員。掌琢磨之工。至元十二年始置。至元十四年立。置局使副二員。便各一員。直長二員。俱受院割。大德四年給品印。十一年大使副使受勅。購。直長受省割。至治三年罷。今定置大使受勅。副使直長受院割。玉局提舉司秩從五品。提舉一員。正七品。同提舉一員。從七品。副提舉一員。正八品。中統二年以和林人匠置局造作。始設直長。至元三年立。玉匠局用正七品印。十五年改提舉司。茅亭客話王氏後玉局。王先主自天後甲子歲封蜀王霸盛之後。展拓城于西南。收玉局化。起五鳳樓。開五門署。曰得賢樓。為當代之盛。至局化尊像。並遷龍興觀。時杜天師詣崔尊師曰。今主上遷移仙化。其有證應乎。崔嘆息良久。言曰。皇嗣作難爾。甲戌歲果偽皇太子元膺叛。尋伏誅。後杜天師為崔曰。有道之士。先識未然。崔曰。勅局子亂。必然之事。何有道先識者哉。杜天師曰。此化畢竟若何。崔曰。局必須後。非

永樂大典

卷一九七八一

王氏不可也。先主殂，尹主嗣位。明年再起仙化，以為王氏復局之驗也。宋大中祥符，知州事凌策移王先主祠，取其材植以修此化土木，備極樓殿壯麗，工未畢，玉局洞中五色雲見，在所言王氏復局之事，證應何其速哉。杜光庭廣成集奏於龍興觀，觀玉局劉子。右曰：先蒙今年十月二十日，宣賜舊玉局洞門官舍一所，并石像老君一座，移在當觀，其舍今於殿後講堂基上起立功畢，便用安置石像老君，焚修供養，伏以名山大川二十四化，春秋常祀，著在舊儀，其玉局化所修常醮，伏請起天漢元年二月八日，委本府縣祇就龍興觀玉局石像老君前修設，冀免曠闕，以叶恭敬。又北印在雋州，積年已未，願祝居率土之內，宜申咸秩之文，前件二化，今亦欲就龍興觀一處，與玉局同用，延祝景祝，永福聖朝，謹舉如前，伏聽勅旨。宋呂淨德先生集送戴正仲大夫歸玉局，請得琳宮別未央，西行行色重增光，官曹冷淡如通客，風物鮮明類故鄉。歸去林泉謀已定，閑中詩酒味偏長。市橋長畔鄰居日，應許過從亦道裝。汪元量湖山類集汪元量玉局詩：聯騎來登卯酉山，老君玉局護關干。步虛殿上香雲繞，空翠蕭森北斗寒。陸游渭南集玉局歌：玉局祠官殊不惡，銜如冰清俸如鶴。酒壺釣具常自隨，五尺新蓬織青菴。倚樓看鏡待功名，半世兒癡晚方覺。何如

永樂大典卷九千五百一

十三

醉裏泛桐花，長笛一聲吹月落。蔣公新冢石馬高，謝公飛旆凌秋濤。傲霜莫遣使鬢綠，從今二十四考書玉局。**珠翠局** 元

百官志：至元三十年立，置大使副使各一員，受院判，直長一員，受府判，大使一員，副使一員，直長一員。**明金局** 元

官者傳，董貫性巧，嬭徽宗立，置**金銀局** 元史金局秩從七品，二十四年改為提舉司，秩正六

品。大德間陞從五品。銀局秩從七品。大使一員，直長一員，掌金銀之工。至元十二年始置。經世大典銀局掌成造御用金銀器金繫腰諸物提領

一員。**銷金局** 經世大典銷金局中統四年始置，掌諸**研金局** 元史百官志：至元二十年立，置

大使一員，受本府判，大使一員。**燒紅局** 經世大典至元元年始置，掌諸官殿所用心紅顏料

提領二員。**金絲子局** 元史百官志：至元十二年立，金絲子局以掌金

真俱受唐事院判，三十一年改受徽政院判，大德七年給八品印，十一年大使副使受勅，而直長受省判，至治三年罷，仍俱受院判，大使一員，副使

犀象牙局

一員直長二員。經世大典中統四年四月始置。秩從六品。設大使一員。司吏一人。至元五年增副使一員。

十六年增直長一人。管匠戶百五十。兩都宮殿營繕犀象龍林卓器繫腰。置大使副使直長各一員。司吏一人。大便一員。副使一員。直長一員。司吏一人。又至元十一年始置。掌宮。

殿象牙龍床之工。提領一員。管勾一員。

温犀玳瑁局

元史百官

志。温犀玳瑁局秩從八品。至元十五年置。大使一員。

貂鼠局。元史百官志。貂鼠局提舉司秩從五品。提舉一員。同提舉副提

花木局

舉各一員。至元二十年置。全史都監同監。舊設接手官四人。泰和元年罷。後以諸司人內置都監同監二員。貞祐三年罷都同監。以同樂園管勾兼。熙春園都監同監三員。本和四年置。貞祐三年省。同樂園管勾二員。每年額辦課程。隸南運司。宣宗南遷罷。課改為隨朝職。

大木小木局

元史百官志。大木局。中統二年始置。掌殿閣營繕之事。提領七員。管勾三員。正八品。

小木局。中統四年始置。提領二員。同提領一員。副提領三員。管勾二員。提

控四員。大小木局。至元十八年立。置使副各一員。受詹事院劄。三十一

永樂大典卷萬九千七百一十一

十四

司屬雕木局

直長一員。經世大典至元十一年始置。掌宮殿香閣營繕之事。提領一員。元史百官志。從八品。

抽分竹木局

至元十五年置。大使一員。副使四員。俱未入流。

漆紗冠冕局

大勝港抽分竹木局。大便一員。未入流。元史百官志。至元十五年置。大使副使各一員。大同

路採砂所。至元十六年置。管領大同路。撥到民一百六戶。歲採磨玉夏水砂二百石。起運大都。以給玉工磨礮之用。大使一員。浮梁

磁局

元史百官志。秩正九品。至元十五年立。掌燒造磁器。并漆造馬尾。披藤笠帽等事。大使副使各一員。旋局。經世

器物局

大典中統四年始置。掌成造御用異樣木植器物之工。提領二員。元史百官志。秩從五品。掌造鐵器。內府營造釘

線之事。大使一員。副使一員。直長二員。中統四年始置。御用器物局。置總管副使各一員。受省劄。用從五品印。隸少府監。至元七年改為器物局。省

總管置大使副使直長等負掌內府官殿京城門戶諸寺觀公廨等營繕及御用各位下鞍轡忽哥轎子帳房車輛金寶器金磁鞘寶兒赤行程什物。凡精巧之藝及額造減鐵繫腰十有五條犀繫腰十花木繫腰二百栢木雜帶二百象牙繫腰五十。小佩刀五百鞍轡百四十柳器六百雜作匠戶四百。成隸焉。總定置官吏七人。大使一員。副使一員。直長二員。史目一員。司吏二人。**顏料局** 國朝諸司職隸工部。大使一員。副使一員。管以楊瓊為之。尋受印信銀符九年。改授

金符。總管夫匠。營造內府殿宇寺觀橋廊石材之役。十一年於大都近地撥採石之夫二千餘戶。常任工役。改置大都等處採石提舉司秩正五品。設提舉花赤一員。提舉一員。同提舉一員。副提舉一員。二十六**泥瓦**年。罷提舉司為採石局。秩從七品。今定置大使一員。副使一員。

局 元史百官志。至元七年立。置使副各一員。受詹事院劄。三十一年。改受徽政院劄。大德十一年受勅。且增置受省劄直長一員。至治三年省之。而止。設受院劄使副二員。大使一員。副使一員。**符牌局** 元史百官志。至元十七年始置秩正八品。掌造虎符等。置大使

永樂大典卷萬字音十一

十五

副使直長各一員。把作提控六司。司吏一人。二十七年省。**禮局** 元史直長及把作提控。今定置大使一員。副使一員。直長一員。至元

十三年。奉裕宗皇帝旨。收集人戶為禮正。二十六年始立禮局。置提舉花赤亦局使副使直長各一員。元貞元年給從七品印。大德十一年。達魯花赤局使副使受勅。而直長受省劄。至治三年罷之。止置提領大使。副使直長各一員。提領一員。大使一員。副使一員。直長一員。**葛布**

局 元史百官志。葛布局大使一員。副使一員。管人匠一百一十有八戶。**異樣毛子局** 析津志

十年立。置使副各一員。俱是詹事院劄。三十一年。改受徽政院劄。大德十一年改受勅。用八品印。至治三年罷之。仍受院劄。大使一員。副使一員。上都怯恰口毛子局根脚。係唐妃娘娘位下。至元六年。欽撥裕宗皇帝位下。至元二十四年。設局官四員。內受勅達魯花赤一員。受徽政院劄。付三員。提領一員。大使二員。行使從七品印信。目今止設官三員。俱受院劄。官提領大使副使各一員。司吏二名。實在毳子匠二百三十一戶。縉山毛子旋匠局秩正七品。行使銅印一。國朝諸司職掌秩正類。大使一員。典史一員。司吏一人。**巾帽局** 九品。隸工部。大使一

負副使

針工局

國朝諸司職掌秩正九品
工部大使一員副使一員

織染局

元史
百官

志。太宗九年。張天翼奉世祖聖旨。以招收斫屠放浪運俗僧道戶計置織染提舉司秩四品。令張天翼為宣差提舉。管領習學織造。改匹是年。至河西。奉唐妃懿旨。於真定保定三路漏籍戶內撥到八十二戶。種藝丁未年撥供人匠糧食。至元二十三年罷提舉司。改為織染局。秩從七品。置大使一員。副使一員。今定置大使一員。副使一員。大都織染局從九品。大使一員。管人匠六千有三戶。大寧路織染局大使一員。副使一員。照畧業績一員。四明績志績一員。懷慶路織染局大使一員。副使一員。照畧業績一員。四明績志織染局在西北隅。儒學西。元係宋貢院基。至元二十七年起蓋。局院奉定二年。鄆縣尹阮申之提調。改造土庫三間。庫前軒屋三間。門樓三間。廳屋三間。并前軒廳後屋一間。染坊屋四間。吏舍三間。絡絲堂一十四間。機坊二十五間。又有打線坊屋四十一間。土祠一間。在帥府後北首。大德毗陵志。織染局在郡治子城內。州橋之南五十步。即舊州倉故基。彬江志。織染局院長二員。受行省割付。攢司一員。於人匠戶內點差。堂長提控人等於匠戶內差。應天府志。織染局在正北隅。初以常照巷基作信寶局。後以為

永樂大典卷萬七百七十一

十六

織染局。今移印引局在淳化街。延平府志。織染局在畫錦坊東。洪武七年開設。置官二員。大使一員。副使一員。歲織絹二千匹。温州府志。温州府織染局在東北隅。官二員。置立機張。每歲造絹匹起解。官二員。大使正九品。月俸米五石。副使從九品。月俸米四石一斗六升六合六勺。司吏一名。又織染段匹。雜造軍器。舊未嘗有局也。歸附後初置。各有司存。使咸精其能焉。織染局在東南隅。德政坊中。歸附後初置。因舊永嘉縣治為之。設局官二員。初司使係有差。副使匠戶內差。繼而局使副使並受勅牒。專管本局人匠。排日織造。改匹。每季依例解發。違則有罰。詳見編造改匹下。本局設典史司吏。並於局內選差。嘉禾志。織染局宋無。元朝在府治西。今府公廨基是也。設官與雜造局同。張士誠竊據。並不設官。自內附。皇朝移置於府治東。閱武坊內。設大使副使各一員。吳興績志。織染局。舊志所無。元置局二。生帛局在子城內。府治東。織染局在子城內。府治之北。元末皆廢。皇朝以其址為府官公廨。洪武二年建織染局。以廣化寺東帝師殿改為之。歲造常為改匹。新安志。元織染局在西北隅。舊酒務基。打線坊在西南。練溪東岸。先於至元二十一年。分撥到寧國路織染局生帛機五十張。蒸撥人匠八百六十二戶。自本年正月為始立局。歲造生帛三色。凡一千六百一。改二

永樂大典

卷一九七八一

十四年。改造熟帛絲綉如生帛之數。凡六色。四季起納。至元二十八年。添造寧國路絲綉一百五十段。

國朝自己亥年始。每月織造紵絲四十二匹。至洪武六年。改造細絹。每月額織造絹二百九十二匹。細二十五匹。共三百一十七匹。國朝諸司職掌織

染局大使一員。正九品。副使一員。司典史各一員。各布政司并各府大使一員。副使一員。

中山局

元史百官志。中山局

置大使一員。副使一員。管領教習織造。中統元年。行中書省給從七品印。至元十二年。納綿府達魯花赤塔塔兒奉旨。以賜皇太子。設官悉如舊。今定置大使一員。副使一員。

真定局

元史百官志。憲宗二年。世祖在潛藩。命

使一員。秩從七品。真定管民匠銅印。置築造作既成。中統元年十月。行中書省降給從七品。真定管民匠銅印。置大使一員。至元十六年。堯刺海之子塔塔兒不花奉旨。以賜皇太子。織造

忽丹八里局

元史百官志。忽丹八里局大

別失八里局

元史百官志。別失八里局。至元十二年。為別

永樂大典卷萬九百五十一

十七

末師。置局織造御用領袖。納失失等段匹。十三年。置別失八里。諸色人匠局。秩從七品。今定置大使一員。副使一員。尋麻林

局

元史百官志。弘州尋麻林。納失失局。至元十五年二月。隆興路總管

府別都魯丁奉皇太子令旨。招收析屠放浪等戶。教習人匠織造。納失失於弘州尋麻林二處置局。其匠戶則以楊提領管領尋麻林。以忽三

烏丁大師管領弘州。十六年十二月奉旨。為尋麻林人匠數少。以小就大。併弘州局秩從七品。降銅印一顆。命忽三烏丁通領之。置相副四員。十九

年撥西忽辛斷沒童男八人為匠。三十一年。以弘州去尋麻林二百餘里。輪番管辦織造。未便。兩局各設大使副使一員。仍令忽三烏丁總為提調。

大德元年三月。給從七品印。受尋麻林局。十一年。徽政院奏改受勅。設官仍舊制。各置大使一員。副使一員。生帛局

元史百官志。生帛局。在縣治前街東。今急遞舖申明亭皆其地也。縻

絲局。雷陽志。舊無額。今置局於徐聞縣。解之東。歲收木綿布疋千肆口。報。免綾錦局。元史至元三年六月。小劉行省獻本家人口六十

雜役。綾錦局。四戶於皇太子位下。是年十月奉令旨於納錦府

李宣差撥到練熟織匠二十戶創立局院。令小劉行省親領之。六年工部侍郎苦思丁獻回童男四十有一戶。八年立綾錦局。秩從七品。置大使一員。副使一員。九年。以招收到析居放浪還俗僧道為匠總。二百八十有一戶。教習織造之事。今定置大使一員。副使一員。**紋綺**

司

元史乙巳年十月。不顏達失揚權府。奉世祖聖旨。以招收漏籍人戶。各管教習。立紋綺局。令揚權府管領。送納絲銀物料織造。既立。不

達失。令馬合某為達魯花赤。戊午。揚權府另得山管領。中統二年八月。揚得山始受宣命。佩銀符。至元八年五月。命揚得山為紋綺局長官。以馬合某元管人匠。併入紋綺局。通領之。十二年十月。奉旨。以諸人匠賜皇太子。十三年。罷揚得山馬合某。以本局為從七品。置大使一員。十六年。給從七品銅印。十九年。增置副使一員。**綉**

綉

元史至元二十四年。始置用從七品印。掌綉造諸王百官旣匹

今定置大使一員。副使一員。

簾網

元史大使一員。副使一員。並受省割。至元元年始置。所設官止。授省割。十二年。給正

七品印。改授初階。三十年。官仍授省割。用元給之印。今定置大使一員。副使一員。經世大典中統四年始置。掌成造宮殿。及官建寺廟網扇之工。提

永樂大典卷萬九百五十一

十八

領二員。管

鐵

元史鐵局。至元七年。立置使副各一員。受磨事院割。幼一員。三十一一年。改受徽政院割。大德十一年。受初。且增置

受省割。直長一員。至治三年。省之。而止。設受院割。使副二員。大使一員。副使一員。應天府志。鐵局。在上元縣。羅帛市。洪武九年。置

鐵

經世大典減鐵局。中統四年始置。掌成造御用及諸官邸繫腰管。幼一員。提控二人。

鑲鐵

元史百官

志。鑲鐵局。秩從八品。大使一員。掌鑲鐵之工。至元十二年始置。

司屬鐵

經世大典中統四年始置。掌諸殿宇輕細

鐵工。提領三員。管

鐵

應天府志。鐵局。在江寧縣。戒壇寺舊基。

刀子

經世

大典中統四年始置。掌成造御用及諸官邸寶貝佩刀之工。提控二員。

銅

元史百官志。提領一員。同提領一員。管幼一員。中統

四年。置以上六局。秩從八品。鑄馮等銅局。秩從七品。大使一員。副使一員。掌鑄馮之工。至元十年始置。官三員。二十八年。省管幼一員。後定置二員。元史百官志。秩正八品。掌凡刻印銷印之事。大使一員。副使一員。直長一員。至元五年始置。應天府志。鑄印局

鑄印

在江寧縣舊中書省東。國朝諸司職掌鑄印局秩從九品。隸戶部。大使一員。副使一員。司吏一員。 **軍器局** 宋會要

興七年正月一日。樞密院言。軍器取為朝廷目今急務。擬欲泛拋諸路州軍製造。恐擾於民。理宜措置。一置軍器局一所。仍以製造御前軍器局為名。隸屬樞密院。并工部於建康府置局。一令禮部鑄銅印一面。以製造御前軍器局之印。九字為文。一提轄監造。交給監門共差。置手分三人。貼司三人。請給出職條法等。並依軍器所人吏施行。詳本局於諸官司踏逐。指名抽取。從之。十月十四日。工部言。諸路州軍自來條合發上供。歲額軍器。比緣製造。減裂。近差撥兩浙江南。東西福建。路工匠。盡赴軍器局造作。其逐州合發軍器。並免造。契勘路州軍所造軍器。各有朝廷給降樣制。及逐州工匠。已曾差赴軍器所造作三年。諳知制度。自可責辦精緻。製造。今來總五路州軍工匠。並就軍器局所兩處造作。所用物料。大段數多。難於收買。其逐州所總發物料。往往赴發不足。或却致人匠端閑。及差到工匠。除本身請受外。每月添支食錢一百七十文。米二升半。且以軍器局一處言之。見役人月支錢一萬貫。米一千石。委是枉費鈔米。不唯虛耗財計。至於拋買物料數多。不免擾擾。兼造作亦不敷。遂路合發元立定軍器

永樂大典卷萬九千七百全

十九

之類。誠為未便。欲乞將諸州工匠依舊發回。責令當職官措置。須管依樣如法造發。候致比較精粗。信賞必罰。從之。十一月。照軍器局廢罷。併歸軍器所。其人匠物料等。令提舉官楊忠愍等管押裝發。赴臨安府軍器所交割收管。元史百官志。大同路軍器人匠提舉司秩從五品。達魯花赤一員。提舉一員。並從五品。同提舉一員。正七品。副提舉一員。正八品。其屬豐州甲局院長一員。應州甲局院長一員。平地縣甲局院長一員。白登縣甲局頭目一人。豐州弓局使一員。賽甫丁弓局頭目一人。太原路軍器人匠局秩正七品。達魯花赤一員。局使一員。副使一員。吏目一員。保定軍器人匠提舉司秩從六品。達魯花赤提舉同提舉副提舉各一員。其屬河間甲局院長一員。忻州安平縣甲局院長一員。陵州箭局頭目一人。懷孟河南等路軍器人匠局秩正七品。局使局副各一員。其屬懷孟路弓局院長一員。彰德路軍器人匠局秩正七品。大使一員。副使一員。咸平府軍器人匠局秩從七品。達魯花赤大使副使各一員。大名軍器局秩正七品。大使副使各一員。奉聖州軍器局秩從七品。大使副使各一員。許州軍器局秩七品。大使副使各一員。陳州軍器局院長一員。汝寧府軍器局院長一員。歸德府軍器局院長一員。汴梁路軍器局秩正七

品司使司副各一員。其屬常課弓司院長一員。常課甲司院長一員。上都雜造軍器司秩正七品。大使副使各一員。平陽路雜造司大使一員。副使一員。絳州甲司大使一員。揚州志揚州府雜造軍器司在揚州衛指揮使司南城一所。高郵衛指揮使司中市橋東一所。鳳陽志鳳陽府臨縣軍器司在東門內。三山志舊軍資庫在都督府門之東。至元十九年。大。二十五年重創。初為人匠提舉司尋置。綾錦司。大德八年。宣慰司兼領鹽賦。又取便為鹽。尋革。今為軍器司。饒州府志軍器司。先於永福寺權行造作。洪武八年。知府王哲於府治東偏空地鼎新創造。共計屋宇六十三間。建昌志建昌府軍器司在城北隅。舊軒江書院地基之上。創立。中有官廳。外有門屋。東西兩傍有南寧府志南寧府本衛軍器司新立。在鐘樓之傍。應天府志上元縣造甲司在石頭街舊洞神宮。初為尚醴司。洪武九年二月改今司。宋史大都弓匠提舉司秩正五品。達魯花赤提舉同提舉副提舉各一員。其屬雙橋弓。答。大。使副使各一員。成吉里弓。司。大。使副使各一員。至元三十年改提舉司置。金陵志上元縣造弓司在國子街初作倉。後改今司。宋史大都弦弓。大。使副使各一員。至元三十年改提舉司置。元史百官志大都箭司秩從七品。大。使副使各一員。益都

濟南箭司秩正七品。司使一員。大州武器司秩從五品。大。使副使一員。國朝諸司職掌軍器司秩正九品。大。使一員。副使一員。**火藥**

局 金陵志在淮清橋街北。舊馬公洞基。**潛火局** 金陵志潛火局。大藥局。在石頭街後馬公洞基。淳祐十二年。大

便買大資物造水筒。**鞍轡局** 經世大典中統四年始置。掌成造御及各廂砌缸俸水。用鞍轡象轡提領三員。鞍子局。至

元七年立置。大使一員。受本府割。大使一員。羊山鞍局。至元十八年始置。掌成造常課鞍轡諸物。提領一員。提控一員。元史志上都隆興等路雜造鞍子局。至元二十三年立。置司使副使直長各一員。俱受詹事院割。三十一年改受徽政院割。大德十一年。司使副使受勅。直長受省割。用從八品。印。至治三年罷之。置受院割。提領大使各一員。直長一員。提領一員。大使一員。直長二員。鞍轡皮作軍器類料等局在太平街西。應天府志鞍轡

局在狀元坊玄真觀基。初為理問所。繼為應天衛。衙。洪武三年改今司。國朝諸司職掌鞍轡局秩正九品。大使一員。副使二員。**皮作**

局 國朝諸司職掌皮作局秩正九品。大使一員。副使二員。**熟皮局** 元史百官志秩從七品。大使一員。副使一員。典

永樂大典

卷一九七八一

史一人。司史一人。至元六年置。掌每歲熟造野獸皮貨等物。大使副使直長各一員。至元二十年置。**軟皮局**。元史百

都大都韶鼠軟皮局提領所。掌內府細色銀鼠野獸諸色皮貨。提領二員。至元九年置。受府割。二十七年給從七品印。改受省割。大德十一年給從六品印。

改受勅牒。至治三年。仍改受省割。**牛皮局**。元史百官志。牛皮局。至元十三年立。置大使一員。受府割。**斜皮**

局。元史百官志。上都斜皮局。至元二十五年立。置大使副使直長各一員。受府割。用從八品印。至治三年罷。改受勅政院割。大德十一年使副受勅牒。直長受

今置受院割。大使副使各一員。**甸皮局**。經世大典。甸皮局。至元七年。初設。甸皮局大使。未有

印俸。十四年始定為正七品。管匠三十餘戶。隸工部。二十一年隸大都留守司。兼少府監。歲辦熟造甸皮紅羊皮二千有奇。今定置大使一員。

雙線局。元史百官志。至元十八年立。置使副各一員。受府事院割。增受省割。直長二員。至治三年省之。而止。設提

領副使各一員。俱受院割。提領一員。副使一員。**盒鉢局**。經世大典。中統四年始置。

永樂大典卷萬九百一十一

三十一

掌成造御用繫腰提領二員。元史百官志。盒鉢局大使一員。副使一員。直長一員。至元七年立。受府割。管納色提領一員。受府割。管銅局。筋局。鎖兒局。粧釘

局。雕木局。至元三十年置。金銀器金局。至元七年立。置使副各一員。受府事院割。三十一年改受勅政院割。大德十一年。依從八品。改受勅牒。增

受省割。直長二員。至治三年省之。而止。設提領副使一員。副使一員。**繩局**。經世大典。中統五年始置。提領二員。祇應司。國初建

開平府宮闕。燕京瓊花島上下殿宇。始置祇應司。以供備之。設大使一員。秩從五品。隸宮殿司。累置副使一員。直長三員。吏目一員。司吏二人。今掌

內府諸王邸第異巧工作。修禳應辦寺觀營繕。管匠七百戶。隸大都留守司。今定置大使一員。副使一員。直長三員。吏目一員。司吏二人。**油**

漆局。經世大典。司屬油漆局。中統元年始置。掌兩都宮殿。漆之工。提領五員。同提領一員。副提領一員。**畫油局**

元史。畫油局。至元二十年立。畫油局。置使副直長各一員。俱是府事院割。三十一年。改受勅政院割。大德十一年。依從八品印。使副各受勅而直長

受省割。至治三年罷之。仍受院割。大使一員。副使一員。直長一員。**出蠟局**。元史百官志。提舉一員。同提

從五品。提舉一員。同提

舉一員。副提舉一員。吏目一員。掌出竭鑄造之工。**車局** 經世大典中
至元十二年始置局。延祐三年陞提舉司。設令官。統五年始置

提舉二員。**轎子局** 經世大典中統四年始置。掌成造御
管鈔一員。用異樣木植鞍子諸物。提領一員。**竹作**

局 經世大典中統四年始置。提領二員。提控一員。**抄紙局** 國朝諸司職掌秩從九品。
隸戶部。大使一員。副使一員。

負司吏。**印鈔局** 國朝諸司職掌秩從九品。隸戶部。大使一員。副使一員。司吏一員。**雜造局**

元史百官志。至元七年立。置使副各一員。受詹事院劄。三十一年改受徽政院
劄。大德十一年。休正八品印。受勅。增置受省劄。直長二員。至治三年省之。
而止。設受院劄使副二員。大使一員。副使一員。瑞陽志。雜造局在醫學之
後。至元二十四年創立。專掌成造進呈雜用之物。每歲解納於內府。以備
國家不時之用。云。本路額造生活鐵馬。鎔貳佰柒拾伍副。紫大樣鞦韆壹
佰壹拾肆副。心紅油靴壹佰副。心紅皮篋貳拾副。洪武毗陵志。雜造局元
至元庚辰。以普通判廳置雜造局。庚寅改於晉陵縣。基今不存。
本朝洪武丁巳。創置於武進縣東街。為四縣造作之所。蘇州府志。蘇州府雜

木藥奩卷萬字音土

五

造局。

本朝在卧佛寺南。洪武六年設置。徽州府志。徽州元雜造局在東北隅靈順
廟之左。歲用毛鐵二千七伯五十四斤。造軍器手刀三百六十五把。鎗頭
一百七十五箇。上下半年起解。元末毀于兵。

國朝創於永豐倉舊基。季造軍器漆弓一百七十五張。腰刀三百把。其餘頭
盔鐵甲箭隻等項。隨時所需。未有定額。嚴州府志。嚴州府雜造局在城東
北隅秀山下。庚子年開設。置官二員。大使一員。副使一員。歲造黑漆角弓
二百六十一張。弦四百三十二條。金華府志。金華府雜造局在府治西。人
甲六十九副。黑漆羅圈鐵甲三十副。四色水牛皮甲三十九副。手刀一百
面。鎗頭八十箇。弓箭雜帶二十五副。信安志。信安府雜造局在府治東北
子城內二十步。舊係銅錢局。温州府志。温州府雜造局在府治西。即舊知
錄廳。設局官二員。專管本局人匠。排日管造軍器。每季依例解發。遠則有
罰。詳見前造軍器下。本局設典史司吏。並於局內選差。寧波府雜造局
在西北隅河利橋東。元係宋平糶倉基。至元十三年。改置雜造局。設官置
吏監造軍器者解。嘉禾郡志。嘉禾府雜造局。宋無。元朝局在行用庫後。設
官。大使副使各一員。元春。張士誠竊據。並不設官。自內附。

皇朝移就府東蘭桂坊內直立設大使副使各一員係正從九品兵興志湖
州雜造局舊志所無元為軍器雜造局在府治西三里丁家院

皇朝於歸安縣學南街氏居創建歲造常課軍器真定志冀州雜造局元初
係忽都虎下摩哥所掌之局至元十九年札忽台以獻皇太子專掌造作
置大使一員受詹事院劄三十一一年改受徽政院劄用從七品印今定置

受院劄大使一員受府劄副使一員南昌府志南昌府雜造局在新建縣
治之東南康志南康府星子縣雜造局在縣治東吉安志吉安府雜造局
在府治東元朝文錦局舊基局設大使一員武昌志武昌府雜造局隸承

宣布政使司衡州志衡州雜造局在府治東三山志福州府雜造局即宋
試院舊宇今總督府初政堂之後歲造常課坊後神樓紫暎皆在焉其工
匠有定教設局官以庀其事澤州志澤州雜造局在行

用寶鈔庫西路州志路州雜造局在平政坊東街南寶源局
府志應天府火藥局宋國朝諸司職掌寶源局秋正九品隸工部大使一員副使一員

司泥厦局元史百官志泥厦局提領八員上都葫蘆局
管勾二員中統四年置

元史百官志大使一員淨息局重慶府志淨息局委制司屬官兼
副使一員至元七年置專備收本府城內外棧店戶月額

官錢宣德八魯局元史百官志提領一員河中府局元史
提領一員襄陵局元史百官志提領一員冀城局元史百官

志提領一員路州局元史百官志提領一員納失失毛段二
副提領一員恩州東昌局元史百官志提領一員東市平

局元史百官志長安志局在城東朱雀
街東市隸大府寺西市平準局長安志局在長

市內隸造袋局會稽前志局脩故局脩書百官志衛尉寺
大府寺在府治東北武庫署又有脩故局

丞掌領匠脩脩政局宋史提舉脩政局紹興二年詔置脩政局令
故甲等事百官條具修車馬備器械命右相秦檜提舉

永樂大典卷萬葉首全

永樂大典

卷一九七八一

永樂大典

參知政事同領之。其下有參詳官一人侍從為之。參議官二人檢討官四人。卿郎為之。如講議司故事。三月而罷。乾道二年詔理財之要裕財為重。自今宰相可帶兼判國用。使參政可同知國用。事劉一止傳。一止遷監察御史時。奏請置修政司。一止言。宣王內修政事。修其外攘之政而已。今之所修。特簿書獄訟。官吏遷降。土木營建之務。未見所當急也。建炎以來。朝野雜記。朝事自王荆公秉政始。創制置三司條例。司以行新法。其後蔡攸州當國。雖其政置講議司。僖州罷張文忠代之。乃置政典局。不隸三省。靖康初。徐擇之兵元中共政。又置詳議司。俄以人言罷。紹興二年。呂元直奏會之同相。元直督軍于外。會之欲奪其柄。乃置修政司。自領之。詔職事官及守令以上言省費裕國。強兵息民之策。以戶部侍郎黃叔敖為參詳官。置局如講議司故事。曾諫議。統時為尚書郎。謂會之曰。宰相事無不統。何以局為。會之不聽。數月。會之罷。是日彗星出。議者以為修局所講多刻薄之事。夫人心致天變。後五日。遂罷修政局焉。

政典局

趙善瑤自弊編陳忠肅公在通州。張無盡入樞。欲引公以自助。

永樂大典卷之萬三千七百一十一

二十四

州郡僅促。公乃用奏狀進表。以黃帕封緘。獻中政典局。乞於御前開拆。或謂公當徑申局中。而通書廟堂。公曰。恨不得直達乙覽。豈復可與書邪。彼為宰相有所施為。不於三省公行。乃置局建官。若自私者。人將懷疑而生忌。正恐尊光至而彼已動搖也。遠其速猶恐不克。况以書邪。繼而悉如公言。張既罷。公亦有合州之命。責詞謂公私送與張商英。意要行用。於是衆人服公之遠慮。而嗔何鄧輩敢欺罔上下也。由滄舊聞。蔡京所建明事。凡心所欲必為。而畏人不從者。多託元豐末命。或言裕陵有意而未行。以此脅持上下。人無敢議者。張天覺為相。欲稍蠲罷。以便人。乃置政典局。以范鍾等為參詳官。討論其事。聞陳瑩中著尊光集。專為先政也。天覺奏乞取其書。優召惠卿。惠卿既至而卒。鄭居中輩恐天覺得志。不為己利也。知劉嗣明與辟雍司業魏憲相友善也。令嗣明與之俱來相見。許以立瑞憲。鍾子塔也。憲歸見鍾。論天覺孤危。丈人盡謀。所以自安者。鍾入其言。憲草劄子。其大畧言。成湯得伊尹。桓公得管仲。自古未見有君而無臣。獨能成一代勛業者。今權作尊光集。皆力詆王安石。果如瓊所論。豈不上累先朝知人之明乎。鍾請對如憲言。有旨令僕從瓊疾速繕寫。赴局接納。俟其書至立焚之。天覺由是求去甚力。天覺既去。而蔡京父子皆召矣。

狀

永樂大典

卷一九七八一

元局

錢塘遺事宋狀元一出都人爭看如麻第二第三名亦呼狀元是日迎出使入局局以別試所為之謂之三狀元局中謂之期

集所大魁入局便差局中職事一由狀元點差牒請

異樣局

元史世祖本紀十三年五月癸亥陞異樣局為總管府秩

軟脚局

類說郭子儀自同州歸詔大臣就宅作軟脚局人奉三百千

烹粥局

吳中舊事烹粥

局曾用粳黃稷米糜子黍大麥米稗子米白粳米六般解湯粥用第三等細米每十分用米一斗淘成取淨米五升於滾鍋內旋旋下至十分熟用冷水投冷例為度在涼處若用牛酪每分半升鹽少許調勻粥一處和供宋劉漫塘集嘉定己巳金壇粥局記嘉定己巳秋天子以畿內旱蝗出膚使尚書郎留公董西到常平事建臺之三月移縣發義倉米二百石助邑士之收養遺棄孩穉者兩月績米如前閭巷謹呼以為切者被賜則壯者可知私居小惠猶冀其成則荒政大者蓋不謂而獲也是歲也盜起於夏秋而息於冬民死飢疫雖所在有之而之死靡他知上之人有以恤我也先是邑士張君汝永侯君琦語某及新桐川湯使君曰早甚矣而救滋貴時方盛夏民不勝飢冬春若將若之何乃相與謀糾合同志用大觀泚湖陳氏

永樂大典卷一九七八一

二十五

及紹興張君之祖八行政事為粥以食饑者而海饑之餘中產以上皆掣肘於公私雖僅有倡者亦寡於和既力弗裕則惟欲收養孩穉之遺棄者凡老者疾者與孩穉之不能去母者雖甚不忍皆謝未遑比常平使者待下而旁郡旁邑亦有喜為助者乃克次第收前之遺而併食之繼以未者之衆來日之長懼弗克終會有以其事白郡太守守給米三百石郡博士勇於義者亦推養士之餘贈之而用以不乏及江淮制置使給平江府米二百石則已後矣事始於其年十月朔而終於明年三月晦經始之日孩穉數不盈十後以漸增閱月登三百乃十有二月合老者疾者婦人之穉負者踰千人比月末倍之開歲少壯者咸集則又倍之問以陰晴異候增損不齊其極也日不過四千槩以大觀所紀成數僅增五之一始置局於縣之東偏廣仁廢菴中於廢祠終于慈雲寺為其隘也就食者先孩穉次婦人後男子俾先後以時出入相待為其擁也孩穉之居養者朝暮給食非居養而來者日不再給為其難於繼也居養之人聽從去來疾病者異其寢處至自旁邑與遠鄉者結屋以待之而不限其必入粟糧以歸之而不阻其復來慮積久而疾疫熏染也最凡用之數米以石凡九百六十有二錢以緡凡二千二十有二而用糴米者過半薪以來大者三千九百小

者一萬四千二百葦席以藉地障風雨及葬不幸死者凡三千四百六十餘
 器三百循環給食中間隨失隨補凡一千三百九十皆有奇草薦紙食與
 化費瑣瑣不載掌其事布金寺主僧祖傳茅山道民石元朴石以私計歸
 祖傳實始終之左右之者張君昂徐君椿而主張經畫入寺之初則鄧君
 允文也是舉也微常平使者無以成其始微郡太守郡博士無以成其終
 故疏其凡有助者於石而於三者加詳焉使來者有考 又甲申術局記
 金壇田半高下下田南漸北湖朝掛帆而夕浙藉得歲不為吾邑利故俗
 相承憂旱不憂水水患甚於隆興迄嘉定癸未甲子周而後始民方幸高
 田之稔是歲也暑不勝寒較人大減米亦不熟越明年春啼飢者載道某
 居僻且杜門久寂不聞乃二月上澣二三醫生過門始為某言之某念先
 君雲茅居士生平每值儉歲悵無以及人營所薄田歲豐收穀可百斛輸
 官給守者之餘不半在且十年或可追承先志因與醫生謀載以歸以是
 月望後二日即撤祠空廡春而康之以與飢者共其始末者纒數百竊自
 喜曰雖多可無乏事其後稍增蓋三月乃盈萬人某始窘於無繼議所以
 止友人趙若珪王甫聞之覽然踵門而告曰凡吾邑之民所以扶老携幼
 去其室廬以苟夕合之食者所願更旬餘無死則庶乎麥秋今而棄之是

宋史大興卷九十一

二十六

將濟而奪之舟中絕而絕之綆也而可乎某曰力竭矣可若何王甫曰若
 然何不素告我乃自振廩且為書圖封之又為書博封之以請于鄉之好
 事者未幾錢穀者至乃四月朔更端俾場者增寬奔走者增負史執筆以
 書而受給不欺閭執扑以徇而去未無瘡又所用米皆精鑿自平時中下
 之家不能有乃今以食飢者以是遠近流傳米者至萬有五千每捧食執飲
 者至必舉首仰天三扣齒而後敢食這十有五日大麥實乃已既事王甫
 謀伐石識姓名以旌施者某自念知顧本獨窳故不俟其請而為之書昔在
 漢末名士鄭泰等避寇出關道遇獨行者泰等欲與之俱華子魚不可既
 行而其人墮險眾欲棄去子魚曰已與俱矣又可棄乎卒全而歸之噲昔
 之事輕舉而不要其終某固有愧於子魚者王甫之為義豈直子魚比哉
 至於王甫之意決於此一鄉之人應於彼與得之見聞者力所可至皆不
 謁而獲此豈智力所及孟子曰今人乍見孺子將入于井皆有怵惕惻隱
 之心又曰人心所同然者理也義也尤於此驗之謹
 以施之先後序列下方而述更端之意冠諸碑首云

恢復局

宋史
列傳

應奉局

宋史
朱勗蘇州人

趙雄請復置恢復局日夜講磨條具合上意
 即除中書舍人自選入館至此才滿歲也

家以資樂致富。蔡京自抗歸，扶劬與俱至朝。徽宗頗垂意，花石京師，勅語其父取浙中珍異以進。初，致黃楊三本，帝嘉之。後歲增加，貢物至五七品。至正和中，始極盛。舳舻相銜于淮汴，號花石綱。置應奉局于蘇，王黼字將明，開封祥符人，美風姿，才疏高而寡學術，多智善佞。中崇寧進士第，累官至少保、太宰，請置應奉局，自兼提領。中外名錢皆許擅用，竭天下財力以共費。官吏承望風旨，凡四方水土珍異之物，悉苛取於民。進帝所者不能什一，餘皆入其家。宋史：官者傳。宋徽宗宣和二年，睦州賊方臘作亂，命童貫帥師討之。且諭貫使作詔，罷應奉局。置行幸

局

宋史：曹輔政和後，帝多微行，乘小轎子，數內臣導從，置行幸局。局中以帝出日，謂之有排當。次日未還，則傳旨稱瘡痍不坐，朝始民間猶未知。及蔡京謝表，有輕車小輦，七賜臨幸。自是邸報聞四方，而臣僚阿順莫敢言。朝服趨局

朝服趨局

石林燕語：進士劉凡

元豐間，換文資，以中大夫致仕，居洛中。率騎牛，挾女奴，所過得意處，即解囊藉地，傾壺引滿，旋度新聲，嘗召至京師議大樂。旦以朝服趨局，暮則易布裘，徒步市間，或倡優所集處，率以為常。邵局

邵局

容齋筆記：蔡楸脩禮樂，文太平止，專用一官者，邵謂主之人，呼為邵局。今渾儀樂器

中猶鑄邵姓名，禮樂之器，間有不合經典處，是久名儒討論。權局

權局

朝野類要：凡帥撫監司州郡選有官或侍闕人攝職，謂之權局。

京局

朝野類要：自上三省，下及倉場庫務。正局

正局

宋李直講文集：正局，周官內

宰大夫士十有四人。九嬪世婦，妻御屬焉。彼天子后妃，猶大夫士治之，矧羞服，匪頌好用之式，而有不在有司者乎？自省寺重之以殿中六局，所以奉乘輿者備矣。顧奪而歸諸奄，何哉？有司奉法，而奄人阿意奉法，則用節阿意，則欲逞此利害，甚明白而弗思者，夫其殘民乎？編局

編局

宋高祖堂存，蓋編局。舜為天子，卑為士，替禮殺人，執而已。從來三尺天下平，祈律二端，真可鄙。近聞編局，蕩巢穴，盡取鼠輩，戶諸市布衣，率帶三十餘，皆配黥，流動千里，獨遺太學四五人，但以姦京法從事，秦相不重，褒衣人，曷為忠恕而已矣。乃知能掉三寸舌，極惡窮凶，猶可恃大理，得臯陶汝曹應。看花局

看花局

吳中舊事：吳俗好花，與洛中不異。其地土亦宜花，古稱長洲茂苑。其花木不可殫述，而獨牡丹芍藥為好尚之最。士大夫皆種之，多者二三千株，少者亦不下一二百株。習以成風矣。至穀雨為花開之候，置酒招賓，多以小青盞或青幕覆之，以障風

日。父老猶能言者。不問親疎。謂之看花局。今之
 風俗。雖不如舊。然大槩實花。則為賓客之集矣。**磨鏡局**
列仙傳。仙品負局。先
 生古仙人也。常負磨鏡局。咫尺中。因施
 人以藥。疾者即愈。後登蓬萊山。仙去。**握槊局**
溫革。鎔碎綠枕。櫛木如莎皮。如棗木
 皮出。麪可食。木理
 有文。堪為握槊局。

永樂大典卷之一萬九千七百八十一

永樂大典卷之一萬九千七百八十一

二十八